

ՀՈԳԵԲՈՐ ԸՆԹԵՐՑՈՒՄՆԵՐ

ՆՈՐ ՄԱՐՏԱՀՐԱՎԵՐՆԵՐ* ՍՈՐԲԵ ՀՈԳԻՆ ԵՒ ԵՀՈՎԱՅԻ ՎԿԱՆԵՐԸ

«Դրա համար ասում եմ ձեզ, ամեն մեղք եւ հայեոյանք
կներվեն մարդկանց, բայց Հոգու դեմ հայեոյանքը չպիտի ներվի»:

Մաթթ. ԺԲ. 31

Եհովայի վկաների աստիճանականության համաձայն՝ Սուրբ Հոգին որպէս անձ, անհատականություն գոյություն չունի: Ռասեյական աստիճանականությունը չկարողա-
նալով «Սուրբ Հոգի»-անձը պարկերացնել որպէս Աստված կամ որպէս Երրորդության
անձ՝ այն ընկալեց որպէս անդեմ գործող ուժ, գործություն, մի բան, որին չի կարելի դիմաւոր-
ել, անհատականացնել, այսինքն՝ անուն փալ: Այդ պարճառով էլ նրանք «Սուրբ Հոգի»-ն
գրում են փոքրատառով՝ «սուրբ հոգի»², իսկ վերջին հրապարակություններում, «հոգի»
բառից հանելով **հ**-ն՝ գրում են՝ «սուրբ ոգի»: Ժամանակակից հայերենում «ոգի» բառը, որը
հոմանիշ է «հոգի» բառին, մեծով մասամբ կիրառվում է որպէս առարկայական իմաստ
արտահայտող բառ, որը եւ վկաները հարմարեցրել են իրենց դավանանքին՝ մոռանա-
լով որ հայերենին հմուտները կարդալով «սուրբ հոգի» բառերը, այն կհասկանան որպէս
«Սուրբ Հոգի» եւ ամենեւին «սուրբ հոգի»-ն չի վերածվի իրենց ցանկացած «գործուն ուժի»:

Եկեղեցու պարմությանը, անշուշտ, ծանոթ են այս կարգի հերձվածներ, որոնք երեւան
եկան նախանիկիական ժամանակներում. օրինակ՝ մողալիսը միապետականությունը
(մոնարխիականություն), սաբելականությունը:

Այդ պարմական հերձվածները Սուրբ Հոգու մասին ունեն ինքնուրույն աստիճանա-
բանություն, որի առանցքն ի սկզբանե Ս. Երրորդության մերժումն էր: Նրանք հավատում
էին Աստծու՝ Արարչի երեք փարբեր դրսևորումների (modus), որոնք անկախ էին, եւ մեկը
հաջորդում էր մյուսին: «Հայրը գործում է երբեմն իբրեւ Որդի եւ այդպէս էլ կոչվում է, եւ
ընդհակառակը. Որդին գործում է երբեմն իբրեւ Սուրբ Հոգի եւ այդպէս էլ կոչվում է, եւ
ընդհակառակը. Հոգին գործում է երբեմն իբրեւ Հայր եւ այդպէս էլ կոչվում է, եւ ընդհակա-
ռակը»³: Այս առումով էլ մողալիսը միապետականները կոչվում էին նաեւ «Հայրաչարչար-
ներ», քանի որ այդպիսի դավանանքով խաչի վրա չարչարվողը Հայրն էր, քանի որ Որդին
որպէս անձ գոյություն չունի. նույն փրամաբանությամբ գոյություն չունի նաեւ «Սուրբ Հո-
գի»-ն:

Եհովայի վկաների պարագայում աստիճանական դրությունը այլ է. նրանք
գրկում են Սուրբ Հոգուն դեմքից՝ վերագրելով նրան միայն անդեմ գործություն, միջնորդ
գործող ուժ, որպէս արագոյումը Աստծու գործության եւ այն բոլոր սուրբգրային համար-
ները, որոնք փաստում են Սուրբ Հոգու՝ Աստծուն համագո անձ լինելը, ուղղակի սխալ են

* Սկիզբը՝ «Էջմիածին», 2012, Ա.-Զ.:

2 Դրան հակառակ, սապանայի անունը միշտ գրում են մեծատառով՝ Մաքանա:

3 Ե. Տէր-Սիմոնյան, Ընդհանուր եկեղեցական պարմութիւն, Ս. Էջմիածին, 1908, էջ 157:

թարգմանում, աղավաղում կամ էլ նենգափոխում են՝ մեկնաբանելով այնպես, որ այն դեմք չունենա:

Նրանց հիմնավորումներն են.

Սուրբ Նոգին չէր կարող անձ լինել, քանի որ Վերնաբանը նա միաժամանակ նստեց 120 հոգու վրա:

«Մի դեպքում սուրբ հոգին երեսաց աղավաղման փեսքով, մյուս դեպքում՝ բոցեղեն լեզուների, սակայն, ոչ մի անգամ չերեսաց անձի կերպարանքով»⁴: Իսկ «Նարկավո՞ր է հավաքավ Երրորդությանը» գրքույկը հոչակում է հերեյալ բանաձևը.

«Սուրբ հոգին Աստծու գործուն ուժն է»:

Նույն գրքույկը բերում է մի քանի այլ վկայություններ եւս Ս. Գրքից եւ նույն փրամաբանությամբ եզրակացնում, որ Աստծու Նոգին չի կարող դեմք ունենալ եւ հերեյաբար անձ լինել, այլ՝ «որոշ չափով կարելի է այն նմանեցնել էլեկտրականության ուժի, որը գործադրվում է փեսակ-փեսակ գործեր կատարելու համար»⁵:

Սուրբ Նոգու անձ լինելը մերժելու փրամաբանությունը շատ հասկանալի է Եհովայի վկաներին եւ նրանց փրամաբանական բոլոր սխեմաներին: Այսպես, համաձայն վկաների, չնայած Սուրբ Նոգին որոշ փոփոխություններ է գալիս «դեմքի հասկանալիքով», բայց «նկարի առեք, որ երբեք սուրբ գրողները այս հոգին չեն պարկերացրել կամ ներկայացրել որպես առանձին անձ»⁶ եւ եզրակացնում են.

«Ըստ Ա. Նովի. 5:6-7 համարների, ոչ միայն հոգին, այլ նաեւ «ջուրը եւ արյունը» հանդես են գալիս որպես վկաներ: Սակայն պարզ է, որ ջուրը եւ արյունը անձեր չեն, այնպես էլ, ուրեմն, սուրբ հոգին անձ չէ»:

Այսպիսի փրամաբանությամբ Սուրբ Գիրքը մեկնաբանելը nonsense է: Սա այն դեպքն է, երբ ամեն փաստարկ, սուրբգրային ամեն համար չի քննարկվում կամ բովանդակային վերլուծության ենթարկվում, այլ ամենուր փեսնում են միայն այն, ինչ ուզում են փեսնել, անկախ նրանից, թե այնտեղ ինչ է գրված կամ ինչի մասին է: Այդ «փրամաբանական կառույցի» համաձայն, օրինակ, երբ Նիսուս հանդարտեցրեց փոթորիկը եւ հրամայեց ծովին՝ «Դադարիր, լռիր» (Մարկ. Դ. 39), կարելի է եզրակացնել, որ ծովն ու քամին անձնավորված են, դեմք ունեն, քանի որ Նիսուս նրանց դիմեց երկրորդ դեմքով: Նակառակն էլ չի կարելի պնդել, եթե Սուրբ Նոգին որեւէ հարվածում հանդես է գալիս անդեմ գոյականների հետ, ապա դա ամենեւին չի նշանակում, որ այդ գոյականների դեմքն էլ նույնը պիտի լինի:

Իսկ եթե ընթերցենք Ա. Կորնթ. Ա. 24 համարը՝ «...**Քրիստոսը Աստծու գործությունն** ու Աստծու իմաստությունն է», ապա կսրացվի, որ այդ փրամաբանությամբ Քրիստոսն էլ անդեմ է, անձ չի կարող լինել - nonsense:

Ավելին, Բ. Կորնթ. Զ. 5-7 համարներում ներկայացնելով Աստծու պաշտոնյաներին՝ Պողոս առաքյալը գրում է. «...դուք ձեզ ներկայացրե՛ք իբրեւ Աստծու պաշտոնյաներ՝ ցույց տալով մեծ համբերություն նեղությունների մեջ, վշտերի մեջ, չարճաբանքների մեջ, 5 հարվածների տակ, բանտերում, խռովությունների մեջ, փրկությունների մեջ, հսկումների մեջ, ծոմապահության մեջ, սրբությամբ, զիտությամբ, համբերությամբ, քաղցրությամբ, **Սուրբ Նոգով**, անկեղծ սիրով, ճշմարտության խոսքով, **Աստծու գործությամբ**, արդարության զենքով՝ հարձակվելու եւ պաշտպանվելու համար ...»:

4 «Նարկավո՞ր է հավաքավ Երրորդությանը», «Դիւրարան», 1995, էջ 21:

5 Անդ:

6 Անդ:

Այս շարքի մեջ փնտրում ենք «Սուրբ Հոգի»-ն և «Աստծու գործություն»-ը միասին՝ մի խմբի մեջ: Եթե դրանք նույն բաները լինեին, ապա դժվար թե Պողոս առաքյալը առանձնացներ դրանք:

Իսկ ինչ կստացվի, երբ նման սանդղակով դիտարկենք այն սուրբգրային համարները, ուր Աստված (=Հայրը) հավասարեցվում է ոչ դիմային գոյականների⁷: Օրինակ՝

Հովհ. Դ. 24 - Հոգի է Աստված, և նրա երկրպագուները պետք է **հոգով** և ճշմարտությամբ երկրպագեն:

Նույն համարը ՆԱԹ-ում այսպես է ներկայացված. «Աստված **ոգի է**, և նրան երկրպագողները պետք է **ոգով** և ճշմարտությամբ երկրպագեն նրան»:

ՆԱԹ-ի թարգմանությունից չի հասկացվում թե ո՞ւմ պետք է երկրպագեն. այդ «**նրան**»-ը ում է վերաբերում՝ «ոգո՞ւն», թե՞ «Աստծո՞ւն»: Վկաների դավանանքով ոգին անձ չէ, ուրեմն և Հայրը անձ լինել չի կարող, իսկ երկրպագողները ուղղակի պիտի «ոգով»՝ այսինքն ոգևորությամբ երկրպագեն: Մա արդեն դարձյալ nonsense է: Այլ կերպ ասած նրանց դավանանքը անաստվածական արմատ ունի՝ կռապաշտություն է, քանի որ երկրպագում են գործությանը, գործուն ուժին: Գոնե նման եզրակացության չհանգելու համար կարելի էր «**նրան**» դերանունը այդ համարում գրել մեծատառով, որպեսզի երկրպագությունը վերաբերեր միայն Հորը:

Նման անհեթեթություններից խուսափելու համար պետք է ուղղակի ընդունել, որ Աստված Հոգի է⁸, դրա համար էլ երկրպագողները Նրան պետք է երկրպագեն հոգով:

Եթե Սուրբ Հոգին «գործուն ուժ» է, ապա ինչ կստացվի սուրբգրային այն համարներից, երբ «Սուրբ Հոգին» փոխարինենք «գործուն ուժ»-ով:

Օրինակ՝ «Երբ նրանք Տիրոջ պաշտոնի մեջ էին և ծոմ էին պահում, **Սուրբ Հոգին** ասաց. «Առանձնացրեք ինձ Բառնաբասին և Սողոմին այն գործի համար, **որին ևս կանչել եմ** նրանց»⁹:

ՆԱԹ-ը այս համարը թարգմանել է այսպես՝ «Երբ նրանք ծառայություն էին մատուցում, Եհովային, և ծոմապահություն էին անում, սուրբ ոգին ասաց. «Բոլոր մարդկանցից ինձ համար առանձնացրեք Բառնաբասին և Սողոմին այն գործի համար, որին նրանց կանչեցի »:

Դարձյալ նկատվում է թարգմանիչների միտումնավոր մոլեցումը. հունարենում չկա «Եհովա» բառը, այնպեղ «Տեր»-ն է օգտագործված: Իսկ թե ինչպես կարող է «գործուն ուժ»-ը խոսել, հրամայել՝ անհասկանալի է:

Նոր Կտակարանում «Սուրբ Հոգի» եզրի կիրառությունների մեջ գրեթե անհնար է վերացնել Նրա դեմքը: Ահա մի քանի համարներ, որոնք անառարկելիորեն ցույց են տալիս Սուրբ Հոգու Աստված լինելը, դիմավոր լինելը. Գործք Ե. 3-4, ԺԳ. 2, 4, Հովհ. ԺԴ. 16-17, 26, ԺԶ. 7-14: Սակայն Եհովայի վկաներին դա հաջողվում է՝ զանազան անսրբամաքանական կառույցներ ներկայացնելով, բնական է, ի սկզբանե ենթադրելով, որ իրենք ճիշտ են: «Աստվածաշունչը անձնական դերանուններ գործածելով, միայն հետևում է քերականական կանոններին, ոչ թե ուսմունք է արքայապետ»¹⁰:

7 Հովհ. Դ. 24, Ա. Հովհ. Դ. 8:

8 Հոգին մեծապատու:

9 Գործք. ԺԳ. 2: Հունարենն է. «*λειτουργούντων δὲ αὐτῶν τῷ κυρίῳ καὶ νηστεύόντων εἶπεν τὸ πνεῦμα τὸ ἅγιον Ἀφορίσατε δὴ μοι τὸν τε Βαρναβᾶν καὶ τὸν Σαῦλον εἰς τὸ ἔργον ὃ προσκέκλημαι αὐτούς* »:

10 «Հարկավոր է հավաքալ Երրորդությանը», էջ 22:

Բնական է, որ այդ դեպքում հարց կառաջանա, թե Աստվածաշունչը ե՞րբ է ուսմունք քարոզում ու ե՞րբ՝ քերականություն. ո՞վ պիտի որոշի այդ: Անշուշտ, Եհովայի վկաների համար դրա պատասխանը միանշանակ է՝ Բրուկլինյան կազմակերպությունը, «երկնային սրբերի ժողով» հանդիսացող օծյալները:

Վկաները պնդում են, որ Ծննդոց Ա. 2-ի՝ «Աստված հոգին շրջում էր ջրերի վրա...» հասկացումը կարելի թարգմանել նաև՝ «Աստված գործուն ուժը շրջում էր ջրերի վրա» ձևով: Հիմնավորում են այսպես.

Եբրայերեն **רוּחַ** -հոգի բառը (ruah) թարգմանվում է որպես «գործուն ուժ», քանի որ այն եբրայերենում նշանակում է «քամի», չունի դեմքին բնորոշ հատկանիշեր¹¹:

Եբրայերեն **רוּחַ** բառը (ruah) շատ իմաստներ ունի՝ քամի, շունչ, օդ, ուժ, հոգի ետևյալ: Բայց երբ այդ բառը կիրառվում է «Աստված» բառի հետ, այն միշտ ունեցել է դեմքին հատուկ հայրանիշներ, դիմավոր է ես պետք է թարգմանել որպես **Աստված Հոգի, Սուրբ Հոգի**: Այս դեպքերում սխալ է այն թարգմանել անդամ «գործուն ուժ»-ով: Դրանում համոզվելու համար շեշտենք, որ «Սուրբ Հոգի»-ն ունի դեմքին հատուկ հայրանիշներ. բանականություն, զգացմունք, կամք: Այս երեք հատկանիշները բնորոշ են միայն դիմավոր ձևերին: Անդամ ձևերի մոտ բացառվում է բանականության, զգացմունքի, կամքի առկայությունը:

Ա. Սուրբ Հոգին ունի Բանականություն: Ա. Կորնթ. Բ. 10-ում կարդում են. «...Հոգին քննում է ամեն ինչ...»: Այսպես օգրագործած **ἐξευνᾷ**, հունարեն բառը նշանակում է նաև հետազոտել. Մեր Տերն այդ նույն բառն է օգրագործում Հովհ. Ե. 39-ում, երբ երեսներին ասում է «Բնեցեք գրքերը...»: Նա գիրքի Աստծու խորունկ ծրագրերը, խորհուրդները, Աստծու մտքերը...¹²:

Բ. Սուրբ Հոգին ունի զգացմունքներ: Եփես. Դ. 30-ում կարդում ենք. «Ես մի փրկմանքից եմ Աստծու Սուրբ Հոգին ...»¹³: Պողոս առաքյալը Բ. Կորնթ. Բ. 2-5-ում մի քանի անգամ օգրագործում է **μὴ λυπεῖτε** բառը փրկմանցիկ իմաստով՝ ուղղված կորնթացիներին: Այսինքն՝ միանգամայն հասկանալի է, որ անդամ ուժին փրկմանցիկը nonsense է:

Գ. Սուրբ Հոգին ունի կամք: Ա. Կորնթ. ԺԲ. 11-ում Պողոս առաքյալը խոսում է Սուրբ Հոգու՝ որպես հոգեւոր շնորհների բաժանողի մասին. «Բայց այս ամենը միեւնոյն Հոգին է առաջացնում եւ բաժանում է յուրաքանչյուրին՝ ինչպես որ կամենում է»¹⁴: Այսպես օգրագործած **βούλεται** բառը, որ կամք է նշանակում, Հակոբոս առաքյալը օգրագործում է իր թղթում. «Նա իր կամքով ծնեց մեզ ...»¹⁵:

Սուրբ Հոգին սովորեցնում է (Հովհ. ԺԴ. 15), վկայում է Քրիստոսին (Հովհ. ԺԶ. 26), առաջնորդում է հավատացյալներին (Հռոմ. Ը. 14), ուղարկում է (Գործք. ԺԳ. 4), հրամայում է (Գործք. Ը. 29), բարեխոսում է (Հռոմ. Ը. 26), նրան չի կարելի հայեցել (Մատթ. ԺԲ. 31), սրել (Գործք. Ե. 5) ...

Նման գործողությունները վերագրել անդամ ուժին սխալ է թե՛ բովանդակային առումով, թե՛ քերականական:

(Շարունակելի)

ՂԵԻՆՆԴ. ՔԱՆԱՆԱ ՄԱՅԻՆՅԱՆ

11 **Рон Родес**, *Вразрез со священным писанием*, էջ 75:

12 Ա. Կորնթ. Բ. 10-11, Հռոմ. Ը. 27:

13 Հունարենն է՝ **καὶ μὴ λυπεῖτε τὸ πνεῦμα τὸ ἅγιον τοῦ θεοῦ**:

14 Հունարենն է՝ **πάντα δὲ ταῦτα ἐνεργεῖ τὸ ἐν καὶ τὸ αὐτὸ πνεῦμα διαιροῦν ἰδίᾳ ἐκάστῳ καθὼς βούλεται**:

15 Նա, այսինքն Հայրը, հունարենն է՝ **βουληθεὶς ἀπεκύρσεν ἡμᾶς**: